

國

朝

列

卿

紀

國朝列卿紀卷之五十三

南京兵部侍郎年表

甄

儀

陝西麟遊人鄉舉洪熙元年右宣德二年左三年以疾卒於官

李

衡

直隸當塗人進士宣德三年左五年免

徐

琦

詳本部尚書宣德八年右

李

郁

河南洛陽人鄉舉正統五年右十二年卒於官

杜

寧

浙江天台人進士景泰元年右天順元年調福建左叅政致仕

宋

琰

浙江奉化人進士天順元年右本年卒於官

年

富

直隸懷遠人舉人天順元年右

郝

璜

河南光州人進士天順元年左六年調南京工部左

俞

綱

浙江嘉興人。生員。天順六年。左

李

震

順天宛平人。進士。成化元年。右

馬

顯

直隸廣平人。進士。成化六年。右

胡拱辰

浙江淳安人。進士。成化十一年。右

萬翼

四川眉州人。進士。成化十五年。右

白昂

直隸武進人。進士。成化二十三年。左

鄭時

直隸舒城人。進士。弘治三年。右

虞瑤

浙江縉雲人。進士。弘治四年。推右。未任。

王詔

直隸趙州人。進士。弘治四年。右。本年卒於官。

王繼

詳本部尚書。弘治五年。右

張敷華

江西安福人進士弘治九年右

黎福

江西樂平人成化丙戌進士弘治十三年右以疾乞休未任

潘蕃

浙江崇德人進士弘治十三年右

金澤

應天江寧人進士弘治十五年右

韓重

山西絳州人進士弘治十八年右

孫需

江西德興人進士正德二年右

呂獻

浙江新昌人進士正德四年右八年致仕

楊茂元

浙江鄞縣人進士正德八年右

陳壽

遼東寧遠衛籍江西新淦人進士正德九年右

王倬

直隸崑山人進士正德十年右十三年致仕

黃一瓚

直隸儀真人成化甲辰進士
正德十三年右十六年致仕

席書

四川遂寧人進士嘉靖元年右

陳琳

福建莆田人弘治丙辰進士嘉靖三年右六年致仕

聞淵

浙江鄞縣人弘治乙丑進士嘉靖六年右

萬鏜

江西進賢人弘治乙丑進士嘉靖七年右八年左

林廷楫

福建閩縣人尚書瀚子弘治己未進士嘉靖八年右

黃芳

廣東崖州人正德戊辰進士嘉靖十一年右

潘珍

直隸婺源人弘治壬戌進士嘉靖十二年右

蘇民

陝西儀衛司人弘治乙丑進士嘉靖十五年右

劉棟

浙江山陰人正德辛未進士嘉靖十七年右十八年丁憂

簡霄

江西新喻人正德甲戌進士
嘉靖十六年右奉天開往

歐陽鐸

江西泰和人正德戊辰
進士嘉靖十八年右

王教

河南祥符人嘉靖癸未榜眼
十九年右二十年奉於官

閔楷

直隸任丘人弘治乙丑
進士嘉靖二十一年右

劉棟

詳前嘉靖二十三年再右
二十七年致仕卒於家

顧應祥

浙江長興人弘治乙丑
進士嘉靖二十八年右

何鰲

浙江山陰人正德丁丑進士嘉靖二
十九年右未任二十年遷刑部右

王積

直隸太倉人嘉靖正德辛巳進士
嘉靖三十一年右奉本年以疾致仕

謝存儒

湖廣蒲圻人嘉靖丙戌進
士三十二年右奉本年下獄

張珩

山西石州人正德辛巳進士嘉靖三十
二年推右尋陞兵部左侍郎未任卒

屠大山

浙江鄞縣人嘉靖癸未進士三十二年右三十二年改兵部兼兪都御史出總南直軍務下獄

張鏊

江西南昌人嘉靖丙戌進士三十三年右

蔡雲程

浙江臨海人嘉靖己丑進士三十二年右

陳洙

浙江上虞人嘉靖己丑進士三十三年右三十四年開仕

張泉

江西進賢人嘉靖丙戌進士三十四年右三十四年聽調歷總督兩廣軍務都察院右都御史

劉采

湖廣麻城人嘉靖己丑進士三十六年右

石永

北直威縣人嘉靖壬辰進士三十七年右尋改戶部未任

啟學

山東東阿人嘉靖壬辰進士三十八年推未任

鄭綱

福建莆田人嘉靖己丑進士三十八年推未任

李遂

詳本部尚書嘉靖三十八年右

丁以忠

江西新建人嘉靖戊戌進士
三十九年右四十一
致仕

喻時

河南光山人嘉靖戊戌進士四十二
年推右未任改協理戎政兵部右

陸穩

浙江歸安人嘉靖甲辰進士
四十二年推右未任聽勘

霍冀

山西孝義人嘉靖甲辰進士四十三
年改戶部右兼僉都御史巡撫山東

喻時

見前嘉靖四十四
年十一月任右

吳桂芳

江西新建人嘉靖甲辰
進士四十五年陞未任

劉畿

直隸長洲人嘉靖庚戌
進士四十五年陞未任

吳百朋

浙江義烏人嘉靖丁未進士隆慶二
年以巡撫南贛兵部右侍郎改任

李遷

江西新建人嘉靖辛丑進士隆慶
三年以工部右侍郎服闋改任右

姜廷願

湖廣巴陵人嘉靖甲辰進士
隆慶四年任右五年致仕

熊汝達

江西進賢人嘉靖甲辰進士隆慶五年任右

傅願

湖廣沔陽衛人嘉靖壬辰進士隆慶六年起右

李棠

湖廣長沙人嘉靖戊戌進士隆慶六年以巡撫南贛右副都御史任

杜拯

江西豐城人嘉靖戊戌進士萬曆二年六月以南京大理寺卿陞任

凌雲翼

直隸太倉州人嘉靖丁未進士萬曆二年正月以巡撫鄖陽都御史陞任

陸光祖

浙江平湖人嘉靖丁未進士萬曆十一年推未任改吏部

辛應乾

山東安丘人嘉靖壬戌進士萬曆十一年七月任本年陞兵部右侍郎

劉庠

湖廣鍾祥人嘉靖己未進士萬曆十二年由貴州巡撫推未任致仕

李世達

陝西涇陽人嘉靖丙辰進士萬曆十二年由漕運任本年陞戶部左侍郎

顧章志

直隸太倉籍崑山人嘉靖癸丑進士萬曆十三年二月任

王元敬

浙江山陰人嘉靖己未進士萬曆十四年十二月任

王世貞

直隸太倉州人嘉靖丁未進士萬曆十六年以南京刑部右侍郎起任

王用汲

福建晉江人隆慶戊辰進士萬曆十七年任

南京兵部侍郎行實

甄儀字

陝西鳳翔府麟遊縣人洪武丙子舉人授戶部主

事平坦不事矯飾歷長沙府同知以豈弟宜民永樂初年調嘉興府同知十一年陞順天府丞十九年陞順天府尹時庶事草創百責沓萃儀以靜處之民賴不擾洪熙元年陞兵部右侍郎宣德二年陞兵部左侍郎蒞事南京三年以疾卒於官

李衡字平卿直隸太平府當塗縣人永樂甲申進士選爲翰林院庶吉士讀中秘書授戶部主事歷員外郎十五年陞湖廣右叅政宣德二年陞兵部右侍郎蒞事南京五年致仕

徐琦詳本部尚書宣德八年任右侍郎正統三年出使安南四

年還部

李郁字文燁河南河南府洛陽縣人洪武丙子以明經領鄉薦授四川臨邛縣儒學訓導士子多所造就秩滿起銓工科給事中言事無所顧忌雖坐事從戎處之泰然五年如一日當是時朝廷方有營造將取材於巴蜀廷臣薦之掄採有方應期而集洪熙元年轉禮科給事中獻替可否素守益堅遷光祿寺丞奉職尤謹遷通政司右叅議宣德二年出爲長沙府知府事有利害在所興除者賜璽書俾便宜行事比履任不苛察以峻法不矯揉以矜能一以平易近民民賴以安郡有以強盜繫獄者蔓結久不解郁按得其實立出誣累者二十餘人暇則修明學校

作興士氣曾未浹期化行教孚命召還擢行在兵部右侍郎又
二年奉命鎮守山東所以彌贊機務綱維百辟與夫邊防之
扼塞窮閭之隱情靡不經理由是烽堠不警民物安堵旣而持
節冊使交趾宣布德威羣情帖息符牘填委而裁量剖析庭無
留事上賜綸命褒嘉之由嘉議大夫進陞附正議勳資治尹
官職如故正統丁巳冬丁太淑人憂服闋調南京兵部時年七
十有一與叅贊機務大司馬徐琦祗協一心施無不濟至十二
年卒年七十有九

杜寧字

浙江台州府天台縣人永樂癸卯鄉舉宣德丁未

進士第二一名授翰林院編修正統三年陞侍講十四年命主考

會試時岳正卷被同考誤寘落卷寧見之曰此我輩中人遂擢第一及廷試賜進士及第後入閣以直節振世人服其有知人之明十四年陞南京禮部右侍郎景泰元年改南京兵部右侍郎天順元年以附于謙調福建左叅政尋致仕

宋瑛字廷珪浙江寧波府奉化縣人永樂乙未進士改庶吉士預修性理大全書尋侍皇太子監國南京永樂十九年召至北京預修永樂大典書歲賜白金文綺授中書舍人宣德元年遷禮部儀制司主事仍蒞事翰林五年給假歸未踰月驛召還京正統改元纂修宣宗皇帝實錄是年丁父憂去服闋赴京轉吏部考功主事俾直內殿益慎乃職深見獎重九年遷

河南布政司右叅政時汝陽歲旱苗將稿而蝗且盛郡縣官率以捕蝗出不少寧琰親往按視爲之惻然仰天歎曰方今聖明在上仁浹海內而此土獨罹旱蝗之災豈非旬宣者政有乖繆而致然也凡有殃咎宜集我躬毋苦斯民爲也言未既有驚數十羣蔽空而下食蝗殆盡乃去大雨如注凡三月歲更稔吏民仰德歌頌之至今不忘景泰四年轉太僕寺卿未幾遷兵部右侍郎兵機重務贊畫居多天順元年調南京兵部越三月以疾終於官性溫雅坦亮篤於行義居家以孝友聞其學博究經史旁通陰陽曆數卜筮相法雖專業者不如及居官四十餘年所至輒著賢名處寮屬始終有禮性惡煩囂扁靜齋以爲退公

之所恒以文自娛應人之求不少吝有拙庵集藏於家年六十

六

年富字大有直隸懷遠縣人領永樂丁酉鄉薦明年以乙榜教諭濟南之德平秩滿以績最擢吏科給事中兼署刑科糾正違失務全大體宣德乙卯特陞陝西布政司右叅政正統甲子陞河南右布政使惠政及民愈廣己巳轉左布政使明年用邊將論奏進都察院左副都御史提督大同軍務兼理邊儲景泰乙亥丁外艱 朝廷以邊警方急奪哀視事懇乞終制不允天順改元將臣石彪因私怨以危事中之逮繫於京勘回無實富遂致仕而歸不數月卽起爲南京兵部右侍郎尋轉戶部右侍郎

巡撫山東隨復左副都御史庚辰春召爲戶部尚書詳戶部

郝璜字廷器河南汝寧府光州人正統壬戌進士十二年授吏部驗封司主事十三年遷員外郎景泰二年陞本司郎中天順元年超拜兵部右侍郎本年轉南京兵部左侍郎六年調南京工部左侍郎八年致仕

俞綱字宗立浙江嘉興府嘉興縣人改隸順天正統三年授中書舍人六年 邸王受封簡輔導 詔綱侍講爲人和厚縝密

無疾言遽色謹身率職稱爲長厚君子十四年 邸王卽位以輔導恩陞兵部右侍郎入內閣三月尋出理部事景泰二年陞兵部左侍郎三年易儲加太子少保仍兼原職天順元年調南

京戶部左侍郎六年改南京兵部七年改南京禮部左侍郎掌部事見南京禮部

李震字用初順天府宛平縣人禮部侍郎嘉之子也正統丙辰進士擢兵科給事中歷兵科右給事中陞南京通政使司左叅議累官南京兵部右侍郎成化二年改兵部三年轉左十一年卒於官詳兵部

馬顯字文明直隸廣平府廣平縣人正統壬戌進士授戶科給事中己巳之變顯扈駕北征幾沒於陣景泰初進都給事中適權奸用事顯指陳得失多所裨益尋忌者出爲河東都轉鹽運使鹽法流通國計用裕天順戊寅擢四川左布政使時蠻寇

倡激境內釋騷顯贊畫戎務調度軍餉蜀人賴以帖然旬宣之政不可悉數秩滿用巡撫都御史奏復留三年成化庚寅擢南京兵部右侍郎值歲大稔奉 詔巡視鳳陽等郡民瘼撫窮獨擊奸慝民賴安堵轉左侍郎未幾丁內艱服除以年至乞老

詔許之退休林下十五載卒享年八十有五訃聞 朝廷遣宮諭

祭焉顯居家孝友忠厚稱重鄉邦出處大致真不愧於古人矣

胡拱辰字共之號敬所浙江淳安人正統己未進士庚申除直

隸徽州府黟縣知縣在官歲餘上無逋租下無爭訟滌除宿弊

區畫庶務三年績吏部乙丑三月除福建道御史掌本道事

兼掌三法司兼權河南四川山西事院長陳鑑風紀最嚴當其

意者獨拱辰凡諸擬議推讞刑名彈奏貴近必經其筆戊辰丁
父憂已巳北虜犯邊十二月吏部齎命至家奪情起復馳驛還
京虜塵既息景泰元年庚午調除江西道自試職至實授凡八
年嘗上救荒封事固安邦本封事上薦舉將才封事上選將保
邦封事及慎選風憲封事皆嘉納之是年六月左都御史陳公
鑑薦陞貴州布政司左叅政癸酉四月丁嫡母憂丙子起復補
廣東布政司天順元年丁生母憂庚辰起復仍補廣東成化乙
酉陞廣西右布政使時地方賊寇猖獗廣西都布按三司及巡
按御史俱降作爲事官丙戌五月拱辰以勦賊有功復前職庚
寅陞四川左布政使壬辰陞南京都察院右副都御史癸巳

勅提督操江乙未五月改除南京兵部右侍郎是年十二月改除
都察院右副都御史總督南京糧儲戊戌三月陞南京都察院
左副都御史甲辰五月陞南京工部尚書詳南京工部

萬翼字

四川眉州人少師大學士安之子也天順丁丑進

士授禮部儀制司主事

成化十年任南京右

通政十五年陞南京兵部右侍郎二十三年以淫縱不檢閑住
白昂字廷儀直隸武進縣人天順丁丑進士授南京禮科給事
中改刑科給事中成化戊子轉左旋陞都給事中歷陞應天府
丞南京大理寺少卿南京都察院左僉都御史南京兵部右侍
郎弘治二年陞刑部左侍郎詳刑部

鄭時字宗良直隸廬州府舒城縣人景泰辛未進士授山西道
監察御史出按湖廣江西所至風裁凜然彈劾不避權倖天順
五年爲用事者所忌左遷河南內鄉縣知縣拓城郭增水利興
起教化有異政成化元年擢知福建延平府政尚嚴明三年丁
亥父母繼歿卽刻奔赴廬墓三年有白兔馴擾之異六年服闋
改知福州十三年陞四川左叅政十五年進按察使十七年
湖廣左布政使聲聞益著十九年擢都察院右副都御史巡撫
陝西大饑人相食百方賑恤且言於上得內帑銀及襄陽糧
各數萬命布政等官分門給賑民無敢侵漁又諏民隱疏決平
涼利民渠功大省費江南湖襄等處盜起遣人諭之多解散擒

其渠壙裁之更奏於寧羌分水嶺號平川安若此處設縣巡司
以便統屬成化二十二年因左道惑衆嬖倖因之以階進取上
言利國保民五事辭多切直觸時諱尋有貴州左叅政之謫忻
然就道陝西之民如失父母所至遮道不得行至有繪像以祀
者弘治政元 孝廟嗣位嘉其忠蓋陞左副都御史撫治鄖陽
本年改撫湖廣三年轉南京兵部右侍郎四年進南京刑部尚
書尋南京刑部尚書

虞璫字邦瓊別號梅軒浙江處州府縉雲縣人天順甲申進士
選差貴州纂修實錄有委官段潛科白金百餘錠欲饋送廉得
其實發其奸段遂遁去鎮守巨璫洎宣慰臣宋 亦饋土宜甚

侈悉却不受繼拜刑科給事中尋轉本科都給事中進言獻替
剴切良多如劾范妃之固寵諫止處州之坑課皆言人之所不
敢言者天官桐江姚公每見疏歎曰此虞公筆諫也由是直聲
動天下成化十八年遷大理寺丞讞獄多平反陞南京都察院
右僉都御史命督操江簡練有方又陞南京兵部右侍郎致仕
有梅軒集

王詔字文振直隸真定府趙州人領順天府鄉舉十年而得進
士趙之有進士自詔始乙酉拜工科給事中論事持大體而不
爲顧忌嘗出副藩府冊封使不受饋遺睿皇后崩時當孟
秋享太廟時議謂不當以甲廢尊詔上疏言禮有喪不祭無

以則移日候釋服行之不報庚寅乞歸省賜寶鏤千貫辛卯遷
都給事中嘗與六科偕奏事辭極剴直中請起致仕尚書王竑
李彘而黜都御史一人有譖之者 憲宗召至文華殿親賜講
賁衆錯愕莫敢對詔仰而呼曰臣等言雖不當實區區犬馬之
誠非有他也時論壯之乙未擢湖廣右叅政政尚寬簡會屢歉
民流徙頗衆極力區畫多所全活都御史原傑制置荆襄凡築
城置府暨凡施設皆與有力亦與有 褒諭焉戊戌以父憂去
湖人思弗置辛丑乃再 命有田訟久不決比訊得實又有巨
盜累歲弗就擒一捕而獲癸卯遷右布政使乙巳以繼母張孺
人憂去弘治戊申遷貴州左布政使獨攜二僕往未幾擢右副

都御史巡撫雲南飭守禦嚴斥瘵復以孟密亂與招集功再荷褒諭已酉奉詔錄囚躬冒賊險觸炎瘴平反甚衆尚書吳雲洪武間繼王忠文公禕死事交趾禕死既建祠雲南而不及雲乃奏於朝下禮部議乃賜謚忠節與禕並祀辛亥始陞南京兵部侍郎道得疾既至而劇命官屬治棺槨教以斂法且呼其孫屬後事甚悉至瞑不亂壽六十有四

王繼詳本部尚書弘治五年任右九年遷戶部左侍郎

張敷華字公實號介菴江西吉安府安福縣人父洪爲監察御史預土木之難景泰初以死事廢國子生天順甲申進士弘治九年改南京兵部右侍郎十二年陞都察院右都御史總督

運歷左都御史詳都察院

黎福字天與江西饒州府樂平縣人中天順丙戌進士授浙江道監察御史以監順天鄉試直躬不比忤當道意出知鎮江中貴人汪直將來江南勢張甚有司望塵迎拜福耻與之面乃出行屬縣汪聞不果來又忤其意因逮牟都御史俸乃并逮詔獄會典獄者素賢福事得白還郡以憂去服闋改知襄陽又以憂去服闋改知寧國擢雲南左叅政遂進廣西右布政使轉廣東左布政使擢都察院右副都御史撫治鄖陽召還南京爲兵部右侍郎以疾致仕卒壽六十有七福居官必問職業竭心力爲之利害無所計其爲御史數疏天下利病聞及宮闈事屢履危

境不爲變其按真定激揚惟允貴戚有強占民田者歷數御史不敢辨悉奪還之民其人訴於上時彭惠安公韶爲刑部郎

中覆勘其事歎曰此真御史也因極疏其弊得釋由是名益顯


其按四川亦如之而平反冤獄尤爲川人所稱以與平劇盜功賜金帛其爲郡一以安民爲務鎮江軍衛雜處武人暴虐無所忌民素苦之及聞來皆惴惴不敢犯事間有犯者悉據法懲之無所假民始獲安又正己率下一時大小官屬罔不洗濯効職其於弊政多所釐革而絕侵漁以甦驛遞量民產以均牧馬民尤便之其於教化留意彌切公暇輒蒞學進諸生講說或課文藝且悉復其家以優異之其治寧國如治鎮江寧國俗尚訟至

是訟者頓息巡撫者異之因薦可大用其在雲南兩廣皆有惠政在鄖陽節制三省首察文武吏才不當任者易置之尤不職者黜之增設巡檢司學校以詰奸敷教綱提領挈不事細瑣流民安業無一不靖者福天性廉正不蓄婢妾不置貨利自雲南歸覺行李稍重檢得錫器數事悉投之水曰不得以是污我然簡而有禮嚴而不苛人知嫉惡而不爲己甚不立崖岸而人自不敢以私干之此則甚尤過人者

潘蕃字廷芳浙江嘉興府崇德縣人成化丙戌進士授刑部主事歷員外郎郎中陞知安慶府歷貴州左叅政山東右布政使湖廣左布政使弘治九年陞右副都御史巡撫四川十一年陞

南京刑部右侍郎十二年改南京兵部右侍郎十五年陞右都御史總督兩廣十八年陞南京刑部尚書詳南京刑部

金澤字德潤浙江鄞縣人應天江寧籍成化丙戌進士弘治十二年任南京刑部右侍郎十五年改南京兵部左侍郎十八年陞南京都察院右都御史詳南京都察院

韓重字  山西平陽府絳州人成化戊戌進士授禮科給事中二十二年陞禮科都給事中弘治三年陞陝西右叅政九年陞陝西右布政使十一年陞應天府尹十二年丁憂十四年起順天府尹本年陞都察院左副都御史巡撫遼東十五年改撫湖廣地方十八年陞南京兵部右侍郎正德二年改兵部右侍

郎詳南京工部

孫需字孚吉江西饒州府德興縣人成化壬辰進士累官副都御史巡撫河南陝西撫治鄖陽正德丁卯陞南京兵部右侍郎已巳陞南京禮部尚書詳南京吏部

呂獻字丕文號甲軒浙江紹興府新昌縣人生而穎異大父茂常竒之庭植三槐曰昔王佑以期其子且此兒亦類是手樹此以識也甫七歲入鄉社日誦數千言作文有竒語稍長補邑弟子員歲試主司必首之成化甲午中鄉試甲辰登三甲進士出使河南明年授刑科給事中丁未校文南宮得大學士費宏蔣冕人稱其明 孝廟登極命使交趾賜一品服以行竣事歸贈

金玉千餘辭曰 聖天子新政清明百官承式獻敢不自愛固
却不受會龍州土官趙源等索交趾使者財物使者上其事曰
天使回時餽贖且峻却不留今趙源贖貨無厭寧不愧於清白
之朝乎由是廉聲益著太監李廣受富兒金以爲駙馬衆莫敢
發獻劾罷之又因災異陳八事一曰策大臣以咎天譴二曰杜
倖門以正士風三曰抑親貴以昭至公四曰起淹滯以全大信
五曰誨盜賊以安京師六曰處蠻夷以靖邊患七曰慎恩典以
重民命八曰平選法以服人心及 孝陵災抗疏剴切數千言
上嘉納焉張侯以 國戚遊宴後庭又奏劾之 詔杖三十繫錦
衣獄比就獄爲詩以自歌曰天關不妨居矮屋日長猶想曳裳

裾慷慨忠懇見於辭色繼以所言直釋之光祿卿趙鉉與獻爲
同生貧緣驟陞指劾不顧居諫垣十年章數百上皆切中時事
歷爲科左右給事中禮科都給事中弘治十年擢應天府丞時
登下廢事繁劇專決不留性尤寬仁見民杖至五下則目必左
視之惟恐其不速已也民皆愛之呼爲父母辛酉提調應天試
有權貴爲子弟求薦者厚賂之斥不從前時堯庫者盜戶部所
寄銀數千兩至是部檄取所寄銀不知盜者姓名獻廉得盜者
并其贓衆驚以爲神故人胡昉爲江浦令爲豪民所抑以法左
右昉得釋昉以金謝獻曰我以爲公而爾以爲私亟去無污我
府事高敞卒於官孤不在次經紀其家又助其歸櫬十二年丁

父憂屬縣祭賻甚厚皆却不受惟圖書數軸而已十四年服除以母夫人俞年高留侍母遣之再三乃行鄰邑宰以金贖不受單騎抵京改順天府丞其煩劇倍應天而裁決益裕武宗耕籍田爲執事官態度閑雅上曰是禮儀甚善豈不可以爲尚書耶亟遷之時中官劉瑾方惡之卒不用焉吏部亦惡人言已而獻介直不能媚附用是十餘年不遷正德丁卯始授順天府尹朱幾丁母憂明日遂行例當得諭祭亦以瑾惡之不與服闋赴京陞南京兵部右侍郎及瑾敗大臣多以賄籍獲罪而獻獨無名其在留都持重務大體不責細微至考選軍官閉門謝客秉持至公更調諸武官各稱其才會巨寇劉六等爲害江淮間

日夜與總兵官議勦滅之策凡遣將必親酌卮酒飲之曰努力
平賊當厚賞汝苟玩寇歸無死地矣時賊勢猖獗京師惶懼郭
外居民咸謀入城避寇不許鎮靜如無事時正德癸酉以老請
歸日與故舊相過從容雅語投壺爲樂及教訓子孫不以家事
關慮性至孝父常以貧乏爲念奉其奩具以進繼而四方之士
以賢來學者甚衆悉以歸父不私旣貴父時命供灑掃忻然無
難色入出必稟父乃行客至父對客坐終日侍立及二親卒哀
毀踰禮服除猶涕泣不已奉祭祀甚敬待兄弟有恩俸祿稍有
餘卽以調親戚卒之日家無所餘善與人交久而益親常有薄
獻者獻薦於銓部其人雖譖已訴之銓部曰彼專言爾善爾反

疑之自是益以爲忠厚未第時歲歉勸民出粟賑饑其父亦有
名縣令以獻故特免之獻曰某父稍有餘不敢幸免歸以語父
父曰兒言良是始新昌未知學不究宗旨獻研精覃思綱領脉
絡燦然明白多爲詩文冲淡純粹善草書跌宕竒偉所著有四
書書經定說多發先儒所未備皆行世有甲軒文集若干卷使
交稿若干卷藏於家

楊茂元字志仁浙江鄞縣人成化乙未進士正德八年任南京
兵部右侍郎九年改刑部右侍郎詳刑部

陳壽字本仁號蠹齋其先江西新淦人籍於遼東寧遠衛成化
壬辰登進士甲午授戶科給事中丙午轉左丁未進都給事中

弘治戊申吏部薦爲大理寺丞尋調南京光祿寺少卿又擢南京鴻臚寺卿庚申被簡命爲都察院右僉都御史巡撫延綏癸亥滿九載遷南京都察院右副都御史改南京兵部右侍郎詳南京刑部

王倬字用檢直隸蘇州府太倉州人自幼穎敏年二十始從師受周易往往發師所未發旨二十五占應天鄉試成化戊戌登進士出知山陰縣以憂去改餘干又改蘭谿於山陰多興滯補弊革額外科取之弊政聲赫然爲八縣首稱餘干有張李二姓爭田積三十年不決後拘至千人比行視田指一大樹曰以此爲界一家俱服凡疑獄迎恐縷解未朞月囹圄爲空贛盜殺信

豐尹督兵討之賊據山爲險插石雨下莫敢進乃夜縱白羊千頭於山下鼓譟從之賊亂投木石比曉略盡進兵大破之生擒三百餘人斬首千級遂平其地撫巡交薦蘭谿以積逋糧長里長繫監倬至一訊釋之在赦前者皆與蠲除餘爲立限以次輸足旬日獲盜十餘輩夜戶無警素舞文者皆斂跡復以政最奏弘治乙卯擢南京山西道監察御史首劾文選貪污郎中貢欽罷之又劾免尚書不職者五人方面二十七人楊太監者倚寵橫甚至箠繫進士又劾罷之時北邊大警 詔以平江伯陳銳充總兵上言銳素非統御才必僨事已而果無功旋進貴州兵備副使奉米魯福佑亂後荒夷出沒爲患乃修城堡宣 朝廷

威福漢夷畏愛土官阿倬素桀驁不受約束召之卽至俛首誓服正德丁卯以例裁革改廣東瓊州兵備時新脫符南蛇之亂生黎爲梗倬巡視多所俘獲贖還男女若干人崖州千家村尤猖獗屢聲言討之而師不出忽乘其無備襲其巢穴大破之明日大戰又敗之斬獲甚衆分三大村爲小村以弱其勢奏建守禦千戶所自是黎人不復反論者以爲竒功倬不以聞進雲南按察使又進廣東右布政使會征臨貨砦克之餘賊匿山谷衆欲乘勢殲之倬不可以禍福諭其長悉來降事聞有白金文綺之賜改四川左布政使首革錢穀出納稽留之弊時盜起蜀中逼成都鎮守議焚附郭民居以絕賊倬曰是益賊勢也乃勒軍

列營以待洞開四門賊不敢逼時列郡羣疲於饋運在途多被
擄掠癘疫死者相屬皆罷之出庫銀糴米貯各倉量遠近給之
民免轉輸軍無缺乏總制彭都御史澤令具馬三萬緩則以軍
法從事州縣猝無所出倬命各鄉村馬俱入城避賊虜掠不數
日馬俱足又需熟糧四千石明日日中至督各市行分運至軍
中日猶未午彭大奇之旋進都察院右副都御史整飭薊州兵
備兼巡撫順天等府時屬縣大饑人相食上奏請通州米十萬
石賑之以轉輸比至民且爲溝中瘠乃許在邊官軍俸糧預支
兩月益以餽直而以官軍所在俸糧給散饑氓軍民兩利焉今
活以萬計時虜射死叅將陳乾總兵太監合兵討之屯馬蘭峪

倬曰虜知吾兵屯西必且東入乃命指揮葉鳳率兵伏山下虜
果毀東墻入伏發斬獲六十餘級馬一百五十四奪回男女千
餘事聞有勅獎勵有白金文綺之賜御史劾指揮十七人臨
陣退縮當斬倬曰未經督委何謂退縮十七人皆得免乙亥進
南京兵部右侍郎旋以七十懇乞致仕不允及年七十二三上
疏乞歸許之給驛以歸仍令有司以禮存問益異數云三年卒
春秋七十有五倬擢然儒者而胷中富有經綸善因事爲功不
爲矯激之名亦無詭隨之行故所至有聞所去人思之在餘干
額外積糧六萬石廣東穀庫藏出內復在官銀八十餘萬兩薊
州修築邊墻四百里管道出彭蠡有漁者數輩趨而前曰故吾

餘千父母也爭獻魚酒俸爲各少受之之官四川過臨貨餘寇
多在人爲危之至境諸蠻相率迎拜道左曰生我者公也護送
出境貴與崖州各立生祠以祀居鄉以孝義稱親病躬視湯藥
不解帶居喪三日水漿不入口與兄析烟念其子女多讓以已
田半創立家廟具器祭割田千畝爲義庄授宗子世掌之立條
約族人婚喪吉凶之費頒賜有差吳中苦糧役往往破家人爭
規避倬獨曰吾家多受國恩敢辭公役乃會族人糧多寡割田
千畝分番應役無負租無繚繫其餘故舊僚友師資下至戍卒
役氓饑凍患難有告者必獲所濟迎瑾擅政凶歌熾灼或勸爲
自全計倬曰死生禍福天也俾我因是毀其平生雖生奚爲自

立又如此

黃瓚字公獻直隸揚州府儀真縣人自少性簡重不妄言笑不與羣兒嬉年十五補邑庠弟子員每宿號舍秉燭讀書率至夜分提學御史戴珊深器重之成化庚子舉應天府鄉薦甲辰登進士第予告歸省時丘淑人病篤壽已九十亟喜見瓚曰吾孫榮矣及終瓚相父治葬畢上吏部適弘治改元授瓚南京戶部廣西司主事督輸稅糧出納唯謹人不敢欺進本部河南司員外郎嘗監收內庫公需宦者致餽食瓚不顧而去以父憂解官居喪一遵於禮外寢三年未嘗入內士夫難之服闋遷江西司郎中供職益勤久之擢四川布政司右叅議督理松藩糧儲祛

宿弊足軍餉藩賴以寧尋丁母憂執禮如喪父苦塊蕭然起服
轉本司左叅議時鄆藍諸盜起西蜀騷動都御史林公俊推重
瓚檄董戎馬深入通邑盜遂解散陞浙江布政司叅政適浙西
海潮爲害蕩沒田廬瓚分守其地極力拯恤民咸安之陟江西
右布政使湖廣左布政使益務簡儉省宴會止餽送官財民力
一無所費嘗奉表至京不私謁當道當道益重之及入覲
吏部尚書邃菴楊公疏其治行爲天下第一賜宴於禮部蓋
異數云入拜應天尹應天爲京甸百司所需民苦於供應瓚以
法節之減十之六七在應天甫三月超陞都察院右副都御史
奉 璽書巡撫山東地方山東適兵寇之餘瓚示儉朴爲諸司

先歲旱躬禱於岱宗雨輒應冬無雪復禱於華不注山下雪亦
隨降東人德之疏言臨清一州既有戶部工部糧鈔管閘兵備
等官今所臨不過二倉又增內臣十五員民何以堪下部知之
武宗南幸遣使賜瓚一品服六襲金帶一束瓚以無功不敢冒賞
置官庫貯之上疏請辭未幾擢南京兵部右侍郎適逆濠叛瓚
佐叅贊喬公謀畫禦之留都恃以無恐世廟登極方謀任尤
成瓚以直道不合遂引年乞休允之上念舊臣仍以所辭襲
衣金帶畀瓚復賜金緋四襲白金五十兩以酬留都備禦之
勞其遭逢可謂侈矣家居杜門却掃左圖右書劬嗜益篤雖鄉
人罕見其面士夫過者輒就而問之享年七十瓚外貌古朴而

内存沈靜蒞官御物一以簡鎮之人不敢犯平居寡言至論經史辯政事則聲聲不倦與人交既不苟取亦不妄予以是寡合其儉素出於天性雖貴而顯敝衣蔬食有寒士所不及然敦孝友恤弟姪至以居產讓之酷於好學老而不怠所著有山東總志東宦錄雪洲詩文集各若干卷藏於家

席書字文同四川遂寧縣人弘治庚戌進士授剡城知縣陞工部都水司主事歷巡撫湖廣右副都御史嘉靖元年陞南京兵部右侍郎會南直隸大饑上疏謂江北淮揚廬鳳災傷爲甚蘇松常鎮次之徽寧池太又次之執政議遣大臣往賑書適上賑粥要議遂命兼僉都御史賑濟江北書講求時宜奏截運儲及

戶部所發銀給粥所活千萬人沾實惠甲申南京刑部主事桂
萼以書及方獻夫大禮疏錄奏上下其議特陞禮部尚書詳
內閣

陳琳字玉疇福建興化府莆田縣人弘治丙辰進士任御史提
學南畿忤逆瑾正德二年瑾矯詔榜奸黨於朝堂琳在其中三
年八月琳因瑾陰排大臣顯出臺諫上言借老成宥狂直謫廣
東揭陽縣丞五年九月瑾誅詔復琳官敘用七年六月起爲山
東提學副使

十六年陞巡撫江西右副都御史嘉靖元年陞南京大理
寺卿二年九月寺正林希元以議獄忤琳琳奏其抗違降爲泗

州判官已寺副鍾雲瑞奏元據理守法臣與共事批駁豈忍坐
視竊祿乞同降調乞勅法司將所駁獄情會勘從之三年陞南
京兵部右侍郎六年致仕

國朝列卿紀卷之五十四

兵部提督團營後改協理戎政年表

于謙

詳兵部尚書正統十四年初設團營命不妨部事提督天順元年被誣害

羅通

詳都察院右都江西吉水人永樂壬辰進士天順元年以右都御史提督加太子少保本年憂歸裁革不設

王竑

詳兵部尚書天順八年奏復置提督不妨部事兼任成化元年致仕革罷

白圭

詳兵部尚書成化三年復立團營不妨部事提督十一年卒

王越

詳都察院左都御史北直隸濬縣人成化十一年不妨部事提督十七年免

馬文升

見兵部尚書弘治元年以都察院左都御史提督二年改兵部尚書不妨部事提督

劉大夏

詳兵部尚書弘治十五年不妨部事提督

許進

見兵部尚書正德元年不妨部事提督

詳兵部尚書正德二

閻仲宇

詳兵部尚書正德二

劉宇

見兵部尚書正德二

曹元

見兵部尚書正德三

王敞

見兵部尚書正德五

何鑑

詳兵部尚書正德六

陸完

見兵部尚書正德八

王瓊

見兵部尚書正德十

王憲

詳兵部尚書正德十

彭澤

見兵部尚書嘉靖元

金獻民

詳兵部尚書嘉靖二

陶經 四百四

李鉞

詳兵部尚書嘉靖四
年不妨部事提督

王時中

詳刑部尚書嘉靖五
年以兵部尚書提督

李承勳

詳兵部尚書嘉靖六年奏准以兵部
尚書兼左都御史不妨部事提督

伍文定

湖廣松滋人弘治己未進士嘉靖七年以
兵部尚書兼右都御史提督未任回籍

汪鉞

見都察院直隸婺源人嘉靖九年以兵
部尚書兼右都御史不妨院事提督

王廷相

詳都察院左都河南儀封人嘉靖十三年
以兵部尚書兼左都御史不妨院事提督

劉天和

湖廣麻城人正德戊辰進士嘉靖二十年
奏准以兵部尚書兼左都不妨院事提督

張瓚

詳兵部尚書嘉靖二十
一年仍不妨部事提督

毛伯溫

詳兵部尚書嘉靖二十
一年不妨部事提督

戴金

詳兵部尚書嘉靖二十
三年不妨部事提督

唐

龍

見兵部尚書嘉靖二十四年不妨部事提督

路

迎

詳兵部尚書嘉靖二十四年不妨部事提督

陳

經

詳兵部尚書嘉靖二十四年不妨部事提督

王

以旂

詳兵部尚書嘉靖二十四年不妨部事提督

趙

廷瑞

詳兵部尚書嘉靖二十四年不妨部事提督

翁

萬達

詳兵部尚書嘉靖二十四年不妨部事提督

丁

汝夔

詳兵部尚書嘉靖二十四年不妨部事提督

王

邦瑞

詳兵部尚書嘉靖二十四年以左侍郎專一協理戎政

趙

錦

詳兵部尚書嘉靖二十四年以左侍郎專一協理

傅

鳳翔

湖廣應山人嘉靖癸未進士三十年以兵部左侍郎專一協理本年卒於官

史

道

順天涿州人正德丁丑進士嘉靖三十年以兵部尚書專一協理加太子少保本年致仕

蔣應奎

山西大同人嘉靖丙戌進士三十年以兵部右侍郎協理三十一年被劾爲民

聶豹

詳兵部尚書嘉靖三十一年以兵部左侍郎協理

楊博

詳兵部尚書嘉靖三十二年以兵部左侍郎協理

許論

詳兵部尚書嘉靖三十三年以兵部左侍郎協理

謝九儀

詳兵部左侍郎嘉靖三十三年以兵部右侍郎協理

鄭曉

詳刑部尚書浙江海鹽人嘉靖三十四年以都察院右都御史兼兵部左侍郎協理

劉采

詳南京戶部尚書湖廣麻城人嘉靖己丑進士三十七年以兵部右侍郎協理

殷學

山東東阿人嘉靖壬辰進士三十八年以兵部右侍郎協理三十九年開住

王邦瑞

河南宜陽人正德丁丑進士嘉靖三十九年以兵部尚書起任四十一年卒於官贈太子少保謚襄毅

江東

山東朝城人嘉靖己丑進士四十一年以太子少保兵部尚書起任本年兼都察院右副都御史出督宣大軍務加

太子太保

蔡汝楠

浙江德清人嘉靖四十年以兵部右侍郎協理四十二年回部管事

喻時

河南光州人嘉靖戊戌進士四十二年以兵部右侍郎協理本年聽調

李燧

山東金鄉人嘉靖甲辰進士四十二年以都察院右僉都御史協理四十三年調

趙炳然

四川劍州人嘉靖乙未進士四十二年以兵部尚書協理四十五年回部

遲鳳翔

詳兵部左侍郎山東臨朐人嘉靖四十五年以兵部左侍郎協理

王本固

直隸邢臺人嘉靖甲辰進士四十五年以兵部右侍郎協理改吏部

郭宗臯

詳南京兵部尚書嘉靖己丑進士山東福山千戶所人隆慶元年以兵部右侍郎協理

曹邦輔

見薊遼總督山東館陶人嘉靖壬辰進士隆慶元年以兵部右侍郎協理

曹亨

河南新蔡人嘉靖乙未進士
隆慶三年以左侍郎協理

王之誥

見南京兵部尚書湖廣石首人隆慶三年起兵部左侍郎
協理陞總督陝西三邊軍務都察院右都御史兼兵部左

曹邦輔

見前隆慶四年以左都御史提
督五軍營陞南京戶部尚書

陳淇學

山東登州衛人隆慶四年以右都御
史提督神機營陞南京刑部尚書

劉燾

直隸天津衛人隆慶四年以
左都御史推提督神樞營

魏學曾

詳吏部侍郎陝西紫陽人隆慶
四年推提督神樞營未任裁革

譚綸

江西宜黃人嘉靖甲辰進士隆慶四年以右都御
史兼兵部左侍郎協理陞兵部尚書五年養病

王遴

順天霸州人嘉靖丁未進士
隆慶五年以左侍郎協理

劉應節

山東濰縣人嘉靖丁未進士萬曆
年以南京兵部尚書改任協理

王崇古

山西蒲州人嘉靖辛丑進士
萬曆二年以兵部尚書協理

方逢時

湖廣嘉魚人嘉靖辛丑進士萬曆五年
以本部尚書總督宣大軍務改協理

張學顏

直隸肥鄉人嘉靖癸丑進士萬曆
五年以巡撫遼東歷陞右都協理

孟重

陝西渭南人嘉靖癸丑進士萬曆六年
以巡撫保定右副都陞右侍郎協理

楊兆

陝西膚施人嘉靖丙辰進士萬曆
七年以南京兵部尚書改任協理

辛應乾

山東安丘人嘉靖壬戌進士萬曆十一
年以南京兵部右侍郎陞左侍郎協理

傅希摯

真定衡水人嘉靖丙辰進士萬曆十
五年以南京兵部尚書改任協理

鄭洛

詳兵部侍郎萬曆十七年以
總督宣大兵部尚書改協理

張國彥

直隸邯鄲人嘉靖壬戌進士萬曆十
八年以總督薊遼兵部尚書改任

周世選

直隸故城人嘉靖壬戌進士萬曆二十
年以工部左侍郎改兵部左侍郎協理

徐元太

直隸宣城人嘉靖乙丑進士萬曆二十年以本部左陞右都協理

郝杰

山西蔚州人嘉靖丙辰進士萬曆二十一年以兵部右總督薊遼保定陞右都御史協理

賈仁元

山西萬泉人嘉靖壬戌進士萬曆二十一年以兵部右侍郎總督延綏陞右都御史協理

李文

直隸任丘人嘉靖壬戌進士萬曆二十一年以大理寺卿陞兵部右侍郎協理

沈思孝

浙江嘉興人隆慶戊辰進士萬曆二十三年以工部左侍郎陞右都兼兵部右侍郎協理

余立

廣西馬平人嘉靖壬戌進士萬曆二十三年以南京大理寺卿陞兵部右轉左侍郎協理

李春光

山西解州人隆慶戊辰進士萬曆二十五年以戶部左侍郎改兵部左協理

王世揚

直隸廣平人萬曆丁丑進士二十六年以宣大總督回部陞右都協理

李化龍

直隸長垣人萬曆甲戌進士三十六年以兵部尚書協理

薛三才

浙江定海人萬曆丙戌進士四十五年以兵部尚書協理

國朝列卿紀卷之五十五

刑部序

夫刑部尚書者非古制也自漢成帝始置三公曹主斷獄事後漢光武改三公曹掌天下歲盡集課事又以三千石曹主中都官水火盜賊詞訟罪法事魏青龍二年置尚書都官郎佐督軍事晉初依漢置三公尚書掌刑獄大康中省三公尚書以吏部尚書兼領刑獄宋始置三公比部皆主法制又置都官尚書掌京師非違得失事兼掌刑獄齊梁陳後魏北齊皆置都官尚書後周依周官置大司寇卿一人隋初置都官尚書開皇三年定爲刑部尚書統刑部都官比部司門四曹唐承隋制不改龍朔

二年改爲司刑太常伯咸亨元年復舊光宅元年又改爲秋官
神龍元年復舊沿及趙宋相因不改然皆爲尚書省屬官與周
官大司寇掌邦禁之意固有間矣 國初沿唐宋之制設刑部
尚書侍郎之職掌天下刑名及徒隸勾覆關禁之政令仍屬中
書省洪武十二年革中書省陞六部每部分四子部各設郎中
員外郎主事於是刑部其屬有四曰憲部曰比部曰司門部曰
都官部二十三年因天下庶務浩繁欽改十二部曰浙江江西
福建山東山西北平四川湖廣河南陝西廣東廣西各令清理
一布政司刑名等事其雲南布政司隸陝西部仍量其繁簡帶
管直隸府州并在京衙門每部仍分憲比司門都官四科以領

其事二十九年又改爲十二清吏司永樂元年改北平爲北京
清吏司十九年定鼎北京革北京清吏司增置雲南貴州交趾
三清吏司宣德十年革交趾清吏司附浙江司帶管永爲定制
然 國家自罷丞相以來政歸六部而刑部尚書侍郎卽大小
司寇之職及計勞敘資徃徃官保是加如其刑暴亂除邪說誅
背逆黜貪濫弼教輔治使刑期無刑類非公明敬密者不足勝
此不然法例未諳欽恤未孚而欲其比條原情使天下無冤民
不亦難哉惟刑部改置北京肇自永樂辛丑其間如夏原吉兼
行在刑部事大政尚出於南故不敘云今次各官年表於後其
行實見於事紀其勲德茂著者表爲列傳

國初刑部尚書總論

予讀聖政記莊誦 皇祖於吳元年詔臺省官定律令當干戈
倥偬之際南征北伐無寧日而首以刑名爲重剔繁芟苛致歷
聖慮所以惠息元元而倍國脉於無疆者豈無自哉及洪武元年
設六部而刑部尚書掌天下刑獄之政令至六年又擬定新律
而損益輕重莫不裁自 睿斷爲萬世不易之典其間若劉公
惟謙李公質唐公鐸楊公靖輩皆明習律令心存仁厚而一時
叅讞擬覆雅稱 上旨於是知邦禁之重貴在得人而折獄惟
良非虛語矣

國朝列卿紀卷之五十五

國初刑部尚書年表

周

頎

應天江寧人洪武元年任二年再任三年致仕

錢

唐

浙江象山人舉明經洪武元年任

世家寶

河南臨潁人故元學士洪武二年任本年坐事降

周

瀆

江西鄱陽人徵辟洪武三年任

郎本中

洪武三年任

程

徐

浙江鄞縣人故元尚書洪武三年任

班用吉

河南延津人儒士洪武三年任

劉惟謙

舉才學洪武四年任

李質

廣東德慶人國初歸附洪武五年任

吳雲

南直宜興人元國子生洪武五年任

萬傑

洪武六年任

李鴻漸

南直江都人洪武初舉文學六年任本年致仕

李民瞻

南直泰興人故元進士洪武六年任

孫克義

初年薦舉六年任

唐鐸

南直鳳陽人從龍洪武七年任改兵部

馮冕

河南孟縣人儒士洪武七年任十年致仕

邢懋

山東武定人布衣洪武十年任本年免

馮諒

南直興化人人才洪武十一年任十二年免

趙

翥

河南永寧人
儒士
洪武十二年任
本年免

李宗藝

山東東平人
故元叅政
洪武十二年任
十三年免

胡禎

浙江錢塘人
吏員
洪武十四年任
本年免

王崑

湖廣應山人
洪武十四年任
十五年改戶部
詳國初戶部

王濟

河南洛陽人
洪武初
舉明經
十五年任

劉達

河南項城人
洪武中舉
人才
十七年任
本年免

王惠迪

武十七年任
人洪

唐鐸

見前
洪武十九年再任

趙勉

湖廣夷陵州人
進士
洪武二十二年任
改戶部

楊靖

南直山陽人
進士
洪武二十三年任
改左都

國朝月

卷之三十一

夏

恕

河南洛陽人洪武中舉賢良
二十八年任二十九年免

暴

昭

山西浮山人薦舉
洪武二十九年任

侯

泰

舉革除二年任
人薦

李

讓

南直隸舒城人革除
二年以駙馬署部事

李

希明

浙江東陽人孝
廉革除四年任

鄭

賜

福建甌寧人進士革
除二年任改禮部

呂

震

陝西臨潼人鄉舉永
樂三年任改禮部

劉

觀

北直雄縣人進士永
樂六年任改左都

吳

中

山東武城人國子生永
十四年任改工部歷少

國初刑部尚書行實

周禎字文典應天江寧人元末兵起流寓江湖間庚子年王師平僞漢入仕擢江西按察司僉事吳元年陞大理寺丞本年陞大理寺卿十二月詔禎同省臺李善長劉基陶安定律令上諭善長等曰立法貴在簡易使人易曉若條緒繁多或一事而兩端可輕可重奸貪之吏得以夤緣爲奸則所以禁殘暴者反以賊良善非良法也卿等宜盡心參究凡刑名科目逐一來上吾與卿等面議斟酌庶可以爲久遠之法又謂劉基章溢并禎曰紀綱法度爲治之本所以振綱紀明法度者在卿等爾等執法上應天象少有偏曲則綱紀法度廢弛而民不得其安况

或深文以爲能苛察以爲智若竄成郅都周典來俊臣之徒巧
詆深文恣爲酷虐終亦不免若于公陰德子孫乃致貴顯天道
昭然深可畏也十二月 上恐民不知律令或有誤犯 命禎
直解其義書成 上善之曰直解偏行人人通曉則犯法者鮮
矣洪武元年八月設六部陞刑部尚書本年改侍書侍御史及
建廣東行中書省除叅知政事開省之初州縣正員多缺廣州
香山縣治徙在蓮峰經兵燹而廢縣丞冲敬訪在城址經營解
字縣治旣成百務悉辦流移四集狂寇倏至敬率民捍禦寇乃
遁去縣民賴敬以安竟以勤死禎至卽祭之雷州同知余騏孫
開設府治增築沿海堤岸揭陽縣丞許德增闢公署核實田畝

上其冊籍禎加旌賚知廉州府脫因蒙古人也招徠流民農皆
復業知惠州府萬迪興廢舉墜不受私謁乳源知縣張安仁改
建縣治創立城池學校撫綏流徒清遠知縣李鐸勤政興學歸
善知縣木寅勅立諸司廨宇長於撫恤皆上其績會下詔開科
禎豫聘名儒以待考試洪武二年冬十一月刑部尚書世家寶
坐黜 上復召禎爲刑部尚書二年以年老乞致仕

錢唐字惟明浙江寧波府象山縣人博學敦古行洪武元年舉
明經陳王道數千言雅稱 太祖意特授刑部尚書二年詔孔
子春秋釋奠遣使降香曲阜改廟於仲月上丁致祭京師免祀
天下不必通祀唐上言孔子百王宗師先儒謂仲尼以萬世爲

土天下祀孔子天下祝 聖壽報本之禮不可廢也時修孟子節文并議其配饗唐論之尤力 太祖皆從其議一日召講虞書陞坐而講或糾唐草野不知君臣禮唐正色曰以古聖王之

道陳於 陛下不跪不爲踞又嘗諫宮中不宜揭武后圖忤旨待罪於午門外終日 上悟賜飯卽命撤圖本年致仕謫壽州

世家寶字



河南開封府臨潁縣人係蒙古人姓剛果謀略

姿貌豐整善言論涉獵史書知兵故元集賢院學士守膠東登萊等郡附王師洪武元年授大理寺右少卿尋拜禮部侍郎二年陞刑部尚書本年十一月坐事降廬陵縣知縣召還授兵馬副指揮使七年九月改兩浙運副十五年陞臨安府知府賜致

仕還家後復召至京遣賑濟廣東興寧長樂二縣二十七年卒於家

周澗字伯寧江西饒州府鄱陽縣人善詩與辛敬萬石爲江西十才子甲辰以文學徵擢大理寺丞與修大明令洪武元年改按察司僉事坐事謫輸役汴梁二年置河間鹽運司復起爲運使三年召刑部尚書未視事入官舍非禮辱責胥吏上聞怒貶惠州府經歷

郎本中字

人洪武二年擢刑部尚書本年十

二月改吏部尚書詳國初吏部

程徐字仲能浙江寧波府鄞縣人徐遂於春秋得編修公家學

由翰林院從事發身太史院校書郎遷奉禮郎爲中書曹掾從
太史丞相軍擢禮部主事改刑部復改戶部陞中書檢校官拜
監察御史陞本臺都事出貳江西憲以才請稱於時太傅左丞
相河南王承制起爲兵部右侍郎不赴後召爲國子司業至京
改任詳定使進兵部尚書上輕車都尉廣平侯鄆縣男疏乞致
仕入國朝 太祖高皇帝以才名召見命爲吏部侍郎洪武二
年 上以孔子釋奠止令行於曲阜孔廟天下不必通祀徐上
疏諫曰臣徐伏覩今春上丁先聖先師釋奠之禮權且住罷人
心惶惑士氣銷沮臣徐愚戇亦切疑懼不知所裁以爲 陛下
崇尚儒術篤意教養惟恐人民之不學綱常之或壞必不肯廢

孔子之祀以慢聖人之道也。聖意必有所在。然臣竊以爲不可何則。祀事之典所以崇本始報功施也。古今之祀典多矣。而獨社稷三皇與孔子通祀於天下者。豈無故哉。社稷者生民之本。三皇者開極之主。而孔子者萬世之師也。曠古以來帝王之治天下。教養二字而已。民非社稷三皇則無以生。非孔子之道則無以立。斯二者在國家在天下。在萬世不可一日或廢者也。故有國者敬而祀之。必徧天下。以及後世。無非維持人心世道之計。而示人以崇本始報功施之典耳。三代而上。若堯舜禹湯文武周公皆聖人也。然而發揮三綱五常之道。載之於經。以之儀範百王。師表萬世。使世愈降而人極不墜者。孔子之力也。孔

子以道設教其心未嘗一日而忘天下天下祀之非祀其人祀其教也祀其道也天下一日不可無孔子之道則其教不可一日廢天下一日不可無孔子之教則其祀不可一日廢今使天下之人必讀其書由其教行其道而不得通祀焉豈可以崇本始報功施也哉夫社稷三皇孔子其澤施於人也同天下之所賴以生立者同得通祀於天下而百代不改者又同一且廢不祀甚非所以維人心扶世教之道也天下後世其謂之何後生晚進何所師法凡父兄之教其子弟及大學之肄業於庠序學校者皆將謂我國家滅裂孔子之祀忽略聖人之道其肯黽勉致力於教於學則人才何由而成綱常何由而正臣竊爲

聖明之朝惜也若曰孔子非如佛氏之千百化身不可一日間赴天下之祀而遂廢其禮則三皇后稷亦皆生爲人而歿爲神又安得享天下之祀於一日之內乎蓋孔子以身載道也孔子之道卽綱常之道斯道所在如天之無不覆地之無不載如家至而日見之也非可方體而求之也非可以一念之靈視之也其道通於天下則其祀亦宜通於天下以故臣愚不知忌諱妄謂陛下欲稍革前代之文以正祭祀孔子之禮宜於春秋仲月上丁遣使致祭於曲阜孔林廟仲丁致祭於京師廟學令天下府州縣於季丁通祀焉如是則既有等殺之節無褻瀆之過其於祀神之禮根本之誠開示正學之方扶持世道之計可謂曲盡而

無遺矣臣徐亡國逋臣遭逢 聖主既令宥其罪復寵錫以官報效弗稱夙夜祗恐不懼斧鉞僭竭衷忱臣不勝激切屏營之至 上允其奏改刑部侍郎三年陞本部尚書本年以壽終爲人精勤通敏剴繁治劇事無留滯能文尤工於詩歌有遺集傳後

班用吉字

河南開封府延津縣人洪武元年以儒士徵授

臨洮府同知尋陞陝西叅政三年拜刑部尚書 上諭用吉等

令囚犯流徒遷徙囚人先自平涼起擺到西涼將運去糧米就西涼收貯候擺到甘肅完訖却從西涼起擺到平涼接遞每囚二名共買車二輛牛二隻運米四石後又令每車一輛再貼囚

人二名俱當四年以事謫江西副使尋陞江西叅政坐事免八年召爲應天府尹九年調四川按察使十四年卒於官

劉惟謙初名惟敬

本元末遊江南吳元年以

才學舉任大理寺少卿洪武元年擢大理寺卿本年同本寺卿周禎議定律令本年設六部改刑部郎中十二月遷叅知政事二年改廣西叅政四年陞刑部尚書本年秋調四川行省叅政六年復召爲刑部尚書十一月命擬新律條例揭於西壁七年二月新律成其編目一准於唐曰名例禁衛職制戶婚廩庫擅興盜賊鬪訟詐僞雜律捕亡折獄仍舊損益輕重得宜合六百有六條分爲三十卷頒行中外未幾以事免

李質字文彬其先河南開封府祥符縣人宋季有仕於廣東德慶者因家焉幼穎悟有大志蚤知嗜學經史子集無不讀輒記憶既長遭元季多故與時落落不合遂家居不出日與弟文昭放情山水以詩酒自娛居無何中原擾攘續表多事起搆義兵捍鄉里及德慶路陷士民遑遑無所依戴推質入守之日夜浚城隍繕甲兵扼險要以遏他寇由是一路賴之以寧時據鄉邑者多刻剝殘忍質嘗戒麾下非遇敵毋妄殺或執敵人來獻卒給衣糧縱之去家雖富饒急於賑施三族與鄉里流寓之貧者咸有所仰以故一時名士如建安張智茶陵劉三吾江右伯顏子中羊城孫仲衍王彥舉皆聞風來歸及 太祖定鼎金陵遣使

南討洪武戊申四月平章廖永忠叅政朱亮祖總師至遂散麾下全城歸附總兵遣使入奏 上嘉其忠誠召至慰勞再三賚予優渥就擢中書斷事越明年己酉轉都督府斷事階奉順大夫皆能執法丞相都督咸敬憚之五年壬子授刑部侍郎階中順大夫尋陞本部尚書階奉議大夫尤慎於刑獄盡哀矜之情致叔問之頌寬猛適中爲 上所知日益親幸時開行省於浙江念厥地素重號稱難治宜簡廷臣有德望才器者往綏之卽拜浙江行省叅知政事階中奉大夫是年秋九月也下車首以承流宣化爲己任振紀綱正風俗勸農桑興學校舉遺賢卹民隱知無不爲爲無不力居三年惠流兩浙厥績著聞 上念光

召還致政於京師嘗入見賜坐便殿訪以時政得失直言無隱
上益重之八年乙卯冬十月復起爲靖江相府右相階資政大夫
有勅獎諭甚至質益思竭誠以盡輔導之職嘗入覲因奏乞歸
省先隴 上可其請王親揮翰賦詩以賜復命藩憲元僚與府
中官屬宴餞江潯後王坐事去國質隨終焉美風儀性孝友治
家有法接人以誠雖極顯榮情素冲淡暮年尤工於詩有樵雲
集若干卷

吳雲字友雲直隸常州府宜興縣人雲少有文行爲國子生同
輩皆推重之仕元爲翰林待制入國朝洪武元年 太祖高皇帝
遣魏國公徐達北定元都魏國以禮敦遣赴京是年九月除

弘文館校書郎二年改陝西渭南縣丞四年召還擢刑部郎中尋遷磨勘司令五年拜刑部尚書六年出爲湖廣行中書省叅知政事八年坐事被逮至上重其才卽釋之時以元梁王據雲南尚未下特命徃使諭之曰今天下混一四夷賓服獨雲南一隅未奉正朔殺我使臣朕欲以兵取之恐勞師費財且傷遠人卿能爲朕作陸賈乎雲對曰天命所在誰敢違之第恃地遠故阻聲教臣奉陛下威德徃告以大義諭以禍福彼必附順若冥頑不從興師未晚上然之遂遣行會梁王使其臣鐵知院等二十餘人使漠北爲大軍所獲械送京師上欲以恩懷之令與雲偕行至雲南之沙塘口鐵知院等謀曰吾屬奉使不

達中道被執而還罪必不免於是說雲改易制書共給梁王不從欲殺之適梁王亦遣人來劫降逼令胡服辨髮徃見雲曰朝廷念雲南一方生靈不忍加兵特遣使持 勅招降汝輩今反欲脅使臣以降邪吾以死自誓終不爲汝屈遂被害旣而梁王壯其節命收其骸骨送蜀給孤寺藏之後雲南竟入版圖朝廷始知其死官其子敬爲國子生敬貧不能還鄉以雲嘗仕湖廣卽葬江夏縣金口鎮歲久遂占籍江夏有四子其季充永樂初由歲貢生除交阯安遠縣知縣曾孫曰志高玄孫曰鳳翔家益貧不振弘治中雲南巡撫王詔請於 朝謚忠節嘉靖元年御史唐符奏乞表其墓 詔有司修其墓歲時致祭

萬傑字

人洪武六年任本年四月出爲廣西

行省叅政

李敬字

初名鴻漸直隸揚州府江都縣人洪武初年以文

學徵改名敬六年授刑部尚書本年致仕十四年三月丙申起
敬爲祭酒并起致仕禮部侍郎劉崧爲司業勅曰朕聞古者

賢良之臣君不忍其去以其有益於國也朕所用非人致災異

疊見賢才避位卿亦其忍去哉今特遣行人召爾敬崧爲國子

祭酒司業其來毋稍癸丑賜敬與崧鞍馬夏四月丙辰朔命國

子生兼讀劉向說苑及律令上諭敬曰士之爲學貴於知古

今窮理聖經賢傳學者所必習若說苑一書劉向之所論次多

載前言往行善善惡惡昭然於方冊之間嘗以暇時觀之深有
勸戒至於律令載國家法制參酌古今之宜觀之者亦可以遠
刑辟卿以朕導諸生讀經史之暇兼讀說苑律令必有所益矣
八月丁巳命敬釋奠於先師孔子冬十月有罪免

李儼字民瞻直隸揚州府泰興縣人故元遺士選充通寶官洪
武三年授大都督府都事以才幹稱 首五年陞刑部侍郎六
年陞刑部尚書本年十月改戶部尚書詳國初戶部

孫克義字

人洪武初年薦舉六年拜刑部尚

書本年調四川行省參政後坐事免

唐鐸字振之直隸虹縣人自幼有遠略初守濠州庚子從 上

討江州授西安縣丞召還除中書管勾出知延平府洪武二年
召爲殿中侍御史四年復出知紹興府七年陞刑部尚書本年
改太常寺卿守制家居賜食半俸十三年服闋轉兵部尚書十
五年遷諫議大夫十七年以事左遷監察御史十八年陟右副
都御史十九年陞刑部尚書十月焚錦衣衛刑具先是天下官
民有犯者俱命屬法司其有重罪逮至京者或令收繫錦衣衛
審情辭用事者因而非禮凌虐上聞之怒曰訊鞫者法司事
也凡負重罪來者或令錦衣衛審之欲先得其情耳豈令其煅
煉耶而乃非法如是命取其刑具悉焚之以所繫囚送刑部審
理本年復爲兵部尚書詳國初兵部

馮冕字

河南懷慶府孟縣人洪武初年以儒士舉授樂城

縣丞以廉能有聲陞春坊贊善大夫六年陞中書省叅政丁丑
遣御史大夫陳寧釋奠於先師孔子冕同丞相胡惟庸誠意伯
劉基不陪祭而受胙 上聞之曰基等學聖人之道而不陪祀
使學者何以勸旣不預祭而享其胙於禮可乎其武人不知理
道者皆不足責命停冕等俸各一月寧坐不舉亦停俸半月自
是不預祭不頒胙七年陞刑部尚書十年以疾致仕

邢懋字

山東濟南府武定州人洪武十年由布衣徵拜刑

部尚書本年免

馮諒字

直隸揚州府興化縣人洪武初年以才能顯用

十一年拜刑部尚書十二年免

趙翥字

河南河南府永寧縣人少有志節識量過人篤志

問學爲時推重洪武七年舉儒士授本縣儒學訓導未幾舉賢
良擢太子贊善大夫善於啓迪 太祖嘉之十年陞工部尚書
十二年命署刑部事本年致仕

李宗藝字

山東兗州府東平州人故元中書省叅政來歸

洪武三年授刑部郎中坐事謫廣東高要知縣四年召陞刑部
員外郎改磨勘司令六年陞福建行省叅政九年降刑部郎中
尋降本部員外郎十二年陞刑部尚書十三年免

胡頌字

浙江杭州府錢塘縣人洪武八年由御史臺吏授

陝西按察司經歷十二年陞江西僉事蒞政嚴明獄無留滯本年入爲刑部郎中十四年陞刑部尚書本年免

王肯卽興福初字肯興湖廣應山人至正乙巳太祖敗陳友

諒於鄱陽肯興單舸赴之以精於推擇上大悅擢知徽州丙

午以善政改知杭州俱有惠及於民洪武三年擢吏部尚書本

年謫知西安府十四年拜刑部尚書十月上命肯等論囚擬

律奏聞從翰林院給事中及春坊正字司直郎會議平允然後

覆奏論決肯在部性在沽名增減情辭故行出入每每不當御

史唐鐸按實將欲勾問肯面傷唐鐸你入我罪久後少不得請

公入甕及吹毛求疵妄斷史靈芝爲唐閩山軍妻一事俱載大

誥十五年改戶部尚書詳國初戶部

開濟字來學河南河南府洛陽縣人性聰明少有大志鄉
之故元爲察罕帖木兒掌書記洪武間以明經舉授河南府
學訓導善於訓迪多所成就六年陞國子助教與丞相胡惟庸
以疾罷歸訓徒里中十四年四輔官安然薦其博通經史有治
才以母憂未任十五年 太祖聞其多才能徵試刑部尚書嘗
論及大臣所居曰大官人必得大宅第卽於濟倉爲之製甚宏
麗有司以此爲式俗因呼爲樣房濟感 上知遇務綜核吏事
建言天下各衙門立文簿一扇凡有所行事令逐日謄寫并草
本改抹字跡歲終進呈考其得失及各部半印勘合文移所行

之事皆要依限結絕如有未完及有無情弊以定功罪今有勘
合之制皆始於濟云十五年奏曰欽惟聖明治在復古凡事務
從簡要今內外諸司議刑奏抄動輒千言泛濫無紀失其本情
况 至尊一日萬機似此繁瑣何以悉究此皆胥吏不諳大體
苟非禁革習以成弊 上曰虛詞失實浮文亂真朕甚厭之自
今有以繁文出入人罪者罪之於是命刑科會諸司定議成式
榜示中外十六年辛丑賜濟實授誥曰制刑之道聖王所以發
至仁輔禮教也才非王佐衷非惻隱則不克斯任若官得其人
則海嶽奠安星緯順軌商樂懋遷農桑耕種百工技藝各安其
業所以盡窳宇人皆居於壽域蓋謂司刑者制百姓於刑之中

強不凌弱衆不暴寡致彝倫之攸序而仁惠布流至聖之道行
焉朕嘗命官職古司寇之任必欲仁有施而法中罪何小人無
知倒持仁義法加良善病國殃民甚乖用法之意今授爾濟資
善大夫刑部尚書爾其宣布條章使仁法並施以成善治書不
云乎欽哉欽哉惟刑之恤哉爾念之勿怠又諭濟及都御史詹
徽等曰凡論囚須原情不可深入人罪蓋人命至重常存平恕
猶恐失之况深文乎昨民有子犯法者其父賄求免死御史執
之欲併論罪朕以父子至親子死而父救之人之情也故赦其
父自今論決必再三詳讞覆奏而行毋重傷人命三月命濟議
詐僞律令四月上戒濟曰刑罰禁民爲奸使之遠罪非以陷

民也汝張審法以國民無乃用心大刻夫竭澤而漁害及鯢鱗
焚山而田禍及麀穀巧密之法百姓其能免乎濟大慚甲戌議
五六月旬時審五覆之法上曰天下之事不可徇名而失實
當因名而責實邇聞審覆之法但應旬時之名無曰今是昨非
但謂大同小異審覆者未必盡其心告訴者未必盡其情朕深
知其弊爾宜戒之濟爲人勤敏有爲奏令諸司各置考圖日書
官員所行事蹟以覈其勤怠又言軍民以細故犯罪者宜卽決
遣無久拘數月之間獄無淹滯上以濟有才頗信用之濟由
是自負持法漸肆巧詐性殘酷好以法中傷人凡意所不悅輒
深文巧法以入之無能自脫者濟與鄉人有宿怨乃誣構下獄

冷郎中仇衍等鍛成之嘗不奉旨擅移文督責諸司若中書省所爲者又爲榜戒其僚屬曰尚書到任日久事之遲錯皆寬大容恣若復爾則罪不爾貸奏請揭於文華殿以示於衆 上曰爾告戒僚屬之言欲張之殿廷豈人臣禮耶濟謝未幾又立簿曰寅戌之書以限僚屬出入 上聞切責之曰古人以卯酉爲常道今使趨事工者朝自寅暮盡戌奉父母會妻子能幾何時耶濟不聽獄中有禁死者濟亦不問嘗受一囚賂以獄中死囚代而脫之爲獄官所發 上詔濟諭之歸部與侍郎王希哲主事王敘微執獄官於獄扼其吭而殺之其恃權罔上傷害良善類如此濟姊媼居嘗負貸濟據其資得償乃還之又役其甥女

閻氏爲女使濟妹亦早寡姑欲獨存濟利家財盡掠取攜其一子以歸其姑欲訴濟輒捶逐之於是監察御史陶垕仲等劾濟瀆亂人倫有傷風教不可爲國大臣又擅殺獄官及言濟奏事或隱不言欲入啟皇太子至則又不言乃復入覘伺上意務爲兩番奸計莫測上怒乃下濟獄併執侍郎王希哲郎中仇衍詔廷臣訊之濟具服其奸狀於是并希哲等誅之初濟父蒙來朝上待之甚厚濟亦常侍左右見御製詩文輒請歸潛刻以矜大聲勢又所爲多不法由是見疎爲人有才辯然陰毒設險外事諛悅嘗朝罷上召與論政事濟略無建明但稱曰眞聖人眞聖人故上深惡其諂佞云上謂皇太子諸王曰

純良之臣國之寶也殘暴之臣國之蠹也自古純良者爲君造福而殘暴者爲國致殃何謂純處心忠厚臨民愷悌雖材有不逮者亦不致於傷所謂日計不足月計有餘者也何謂殘暴恣睢攻擊遇事風生鍛鍊刑獄掎剋聚斂雖若快意一時而所傷甚多故武帝任張湯而自衰光武褒卓茂而王業盛此事甚明可爲深鑒人皆服 聖祖明斷云

劉達字



河南開封府項城縣人性寡默善書翰家世以忠

孝相承鄉邦稱之洪武中以人才薦舉除叅軍府右叅軍十七年正月陞試刑部尚書十月奉 命行各處抄劄人口家財就解本處衛分成丁男子同妻小收軍充役其餘人口給與軍官

爲奴金銀珠翠本處官司收貯年終類解馬匹令本衛收養給與馬軍人騎坐牛隻給與有屯去處并一應孳畜麓重物件行變賣價錢於有司該庫交收犯人家產田地外內有祖墳塋者不在抄割之限後又令謀逆造僞鈔者沒其資產丁口其餘殺一家一人採生折割攬納安保過付詭寄田糧等項止收貨產仍以耕牛農器還之本年以事免

王惠迪字



人洪武十七年陞刑部尚書十八

年坐同戶部侍郎郭桓盜官糧伏誅

趙勉字

湖廣荊州府夷陵州人洪武乙丑進士歷事工部

本年陞審刑司左詳議十九年陞大理寺寺丞二十

寺卿二十一年陞刑部左侍郎二十二年陞刑部尚書二十三年五月改戶部尚書詳國初戶部

楊靖字仲寧直隸淮安府山陽縣人洪武乙丑進士改庶吉士試事戶科有才幹本年擢試戶部左侍郎十九年實授二十二年陞戶部尚書二十三年上命榜諭各處稅課司局巡攔令計所辦額課日逐巡辦收於司局按季交於官攬出給印信收票不許官攬侵欺致令巡攔部納違者重罪其各處稅課司局巡攔商稅俱三十八分稅一不得多收本年五月改刑部尚書賜誥曰於戲昔聖人以德化天下人民樂從者衆違者寡天下治矣然聖人之心必欲使天下之人皆爲善而無惡共樂天下

之樂有不然者故有張刑制具以齊之既而法行則賞當其功
罰當其罪民日遷善而去惡於是上下相安和氣充溢天地清
寧可謂咸亨於乎相繼之君臣罔知大道務十惡而傷大德特
簡行以治之法縱民玩故奸者得以恣肆良者含冤而受暴雖
欲善不可得矣以斯君臣之心非不仁蓋慮淺而見薄亦欲天
下治耳不期爲世之大病也此鄭子產有政猶水火之喻而焚
溺之戒可謂周於人情而熟於事理者也故治國者必擇仁人
以治刑蓋非仁人執法國務之繁由此而生朕甚憫之爾資善
大夫楊靖僉曰可今特授爾爲刑部尚書爾其敬慎體道惟明
克允六月 上命靖同都察院於囚徒內審有丁糧者每二名

買馬一匹杖囚一名充水夫一名十名造船一隻常川走遞其
用車去處流囚四名其辦車一輛正身病故戶丁補役不在消
乏之例十二月 上諭靖曰自今爲犯十惡并殺人者論死餘
皆令輸粟於邊以自贖力不及者或二人或三人併力輸運仍
令還家備粟以行翰林院學士劉三吾等曰聖心仁恕重念及
此罪囚受更生之恩矣 上曰愚民犯法如啗飲食嗜之而不
知止設法以防其犯而犯者益多推恕以行吾仁而人或可以
濟三吾曰三代而上刑法常簡本仁恕也三代而下刑法常濫
以嚴刻也 上曰善爲國者惟以生道樹德不以刑殺立威二
十五年正月諭靖等曰在京獄囚卿等三覆奏朕親審決猶恐

未當在外獄囚繁多居官者安得人人盡職所擬者豈能一一當罪自今在外所上獄囚卿等當加詳讞務得真情然後遣官審決有寃者卽爲伸理毋致良善被誣奸邪僥倖惟雲南道遠若候遣官必致淹滯其令本處會官詳審決之八月靖奏都督經歷唐奉先以事請托通政使葉獻於法當杖五十以奉先進士命紀其過二十六年正月命兼太子賓客并給兼官之俸命兼署禮部事秋七月 上命凡有罪囚許刑部令主事廳會監察御史五軍斷事司大理寺五城兵馬指揮打斷後又令錦衣衛亦得與焉二十八年坐事除名會時征龍州以其地界安南先命禮部尚書任亨泰監察御史嚴震直諭之尋遣靖等往其

國徵糧數萬石以供邊儲日焜皆遵奉不敢違二十九年以功起左都御史掌院事詳南京都察院

夏恕字

河南河南府洛陽縣人性謙和有智略居鄉里以

德行稱洪武十八年以賢良舉歷官

二十八

年陞刑部尚書上詔恕等將合用獄具依法較定與諸司遵

守敢有不遵者就非法獄具處治皂隸輒便聽從行使者一體處死獄具如笞杖訊杖枷扭鐵索鐐各有大小長短尺寸之限本年以事免

暴昭字

山西平陽府浮山縣人洪武中以薦舉授北平布

政司叅政二十八年陞都察院左都御史二十九年陞刑部尚

書三十年五月奉 旨取大誥條因附載於律名曰大明律誥
上御午門諭羣臣曰朕有天下倣古爲治明禮以導民定律以繩
頑刊著爲令行之已久然而犯者猶衆故於聽政之暇作大誥
昭示民間使知趨吉避凶之道古人謂刑爲祥刑豈非欲民並
生於天地間哉然法在有司民不周知故命刑官取大誥條因
撮其要略附載於律凡榜文禁例悉除之除謀逆并律誥該載
外其雜犯大小之罪悉依贖罪之例論斷今編次成書刊布中
外令天下知所遵守刑期無刑庶稱朕恤刑之意六月署政平
訟理二旂諭罪囚 上諭昭等曰人言法家少恩此後世用法
之過故有是言朕觀唐虞之世好生之德洽於民心安有是言

哉爾等每論囚引至朕前雖詳其致罪之由然一時裁決恐未
得其情自今論囚惟武臣死罪朕親審之其餘不必親至朕前
但以所犯來奏然後引至承天門外命行人持訟理旛傳旨
諭之其無罪應釋者持政平旛宣德意遣之繼令五軍都督府
六部都察院六科給事中通政司詹事府詳加審錄寃者卽爲
奏聞無寃者實犯死罪以下悉如律其雜犯死罪者准贖革除
二年充採訪使至北平知有變亟歸言於朝靖難師入京執之
不屈上怒命先去其齒次斷手足次斷頭而死

侯泰字

人洪武中薦舉

革除二年陞刑部尚書靖難師起與侍郎郭任力主抗禦之策

壬午年二月運糧至濟寧諸郡五月靖難師渡淮遠近震懼降附逃竄者不可勝數京師戒嚴泰運糧至淮安京師告急乃復赴京師靖難師追及於高郵遂被執至京送錦衣衛獄七月十日就戮弟敬祖子玘典刑其他子弟多謫戍

李讓字

直隸廬州府舒城縣人壬午年以駙馬都尉署刑

部事

李希明字

浙江金華府東陽縣人洪武丙午以孝廉舉第

一授伴讀侍

文廟於潛邸後陞監察御史尋遷江西左叅政

壬午年召攝刑部尚書事以疾卒於官

鄭賜字

福建建寧府甌寧縣人洪武甲子鄉舉乙丑登進

士權監察御史二十五年秩滿陞湖廣右叅議尋于母憂二十
七年起復歷北平右叅議革除中以附 成祖甚見親幸謀國
者以其反復謫置安東屯尋起工部尚書 成祖入正大統時
六卿死難者禮部尚書陳迪兵部尚書齊泰刑部尚書侯泰賜
同吏部尚書張統戶部尚書王鈍及侍郎蹇義夏原吉等歸附
擢改刑部尚書永樂元年二月奉 命嚴禁誣告法凡誣告三
四人者杖一百徒三年五六人者杖一百流三千里所誣重者
從重論誣告十人以上者凌遲處死梟首其鄉家屬遷化外九
月承天門守衛千戶奏先晚工匠出門遺木牌無姓名有寶鈔
提舉司字且條列本司官吏不法數事 上諭法司曰投匿姓

名文書告言人罪者律有明禁此蓋小人假公法報私忿誣陷忠良其毀之自今有此者悉勿問十一月康孔高先任祁陽縣知縣建文中謫教大理縣至是例得復祁陽孔高朝京師還杖道過家省母母適病留侍九閱月不行賜等逮問孔高罪當杖仍謫教邊縣以聞 上曰母子之愛本於天性睽違萬里數年一旦相見已難遽舍况於有病是可矜也免杖復其官三年卒至剛以罪謫改賜爲禮部尚書詳國初禮部

呂震字克聲陝西西安府臨潼縣人自幼穎悟以神童稱年十一選補縣學生二十以明經領鄉薦入太學二十六年 朝廷欲稽郡邑壤地之廣狹貢賦之多寡命有司具圖以進使賦役

適均奸弊無隱震承檄往兩浙督之民不勞而事集既還京師
遂拜山西按察司僉事入爲戶部主事復出爲北平僉事所歷
俱以才幹聞 成祖在潛邸將舉兵靖難震知天命有在遂竭
勞勤壬午年內難旣平以城守功陞真定知府本年召爲大理
寺少卿二年陞大理寺卿三年拜刑部尚書六年遷禮部尚
書加太子少師詳禮部

劉觀字

直隸保定府雄縣人洪武乙丑進士授大谷縣丞

有治才以薦舉擢監察御史三十年命署都察院左僉都御史
革除二年調嘉興府知府尋丁父憂永樂元年起復擢雲南按
察使未行拜戶部右侍郎二年調都察院左副都御史時左都

陳瑛尚刻右都吳中尚寬觀善處二人各無阻忤四年肇建北
京宮殿諸役並興命採木浙江既至飭有司率民吏歷山谿險
絕之地凡材之美者悉取之輸北六年陞禮部尚書尋以典章
故實非其所諳改刑部尚書七年車駕北狩命扈行八年涼
州羌寇爲邊患命督將出征羌寇遠遁九年回部觀有才幹而
簠簋不飾善以智籠人十三年改左都御史詳都察院

吳中字司正山東東昌府武城縣人洪武戊寅自國子監生授
營州後屯衛經歷陞大寧都司經歷成祖義舉所舉師至大
寧中以衆出迎上一見拔於羣衆中賜襲衣命守會州教士
卒力田南兵攻城率衆卻之移守薊州捍禦撫綏具有方略賜

衣服器物以嘉獎之命署北平布政司理問尋陞本司經歷給
餼運贊城守並効勞績 成祖入正天統改元永樂功歷大理
寺丞是歲旱蝗具言此由刑濫所致皆臣等之過乞戒飭法司
務寬平無幾陞少卿以發奸慝陞都察院右都御史五年將營
北京宮殿改工部尚書奉 命取材於蜀還又 命董餉運北
京賜帛六百疋八年 車駕北征命扈從兼督餉運十二年還
京丁內艱歸十四年奪情起復仍命董宮殿營繕中言營繕吉
事臣喪服未除非所當預改刑部尚書十九年以言事忤旨逮
繫詳工部

